

PAOT TE HĀPXEXKA GANAX YŌG TIKMŪ'ŪN PU TAPPET KAX'ĀMI'

Tute' kuxa mām ka'ok xop pu 'āneo

¹ 'Ūgmŭn Paot. 'Āte xa kax'āmi nŭhŭ tap-pet. Yeyox Kunnix tek yāykutnāhā', xix Topa tek yāykutnāhā'. 'A tikmŭ'ŭn tek nŭnnā'ah. Pa Yeyox Kunnix te nŭgkutnāhā', xix yŭmŭg 'Ātak Topa te'. Yā nŏm te Yeyox Kunnix putpu' hŭnnāhā'.

² Nŭnte ti yŭmŭg xape xop. Yā' xohix te xa 'āneo hŏm, xix hāpxexka Ganax yŏg kuxa mām ka'ok xop xohix pu 'āneo hŏm.

³ Pŭyā yŭmŭ yŏg 'Ātak Topa xa hāmmaxnā', xix yŭmŭg xuxyā Yeyox Kunnix xa hāmmaxnā', xix 'ākuxa mām mā.

⁴ Yŭmŭg xuxyā Yeyox Kunnix te yāy mŭn hŏm, nŭy yŭmŭg pupi tu' xok, yŭmŭ'āte hāpkummuk mŭy hah. 'Ūxok, nŭy yŭmŭg mŏy hām xexka kummuk kopah. Yā yŭmŭ yŏg 'Ātak Topa tep-tup.

⁵ 'Āpu yŭmŭg xohix te Topa max xe'ēgnāg 'āktux mŏ'kumak mŏg, tu' xuktux kux 'ohnāg. Hamŭn.

Yā hām'āpak max puxehnāg Topa yŏg

⁶ 'Āy! 'Āxop texŭy tu Topa nŭm mŏ'ka'ok. Tute 'āxop xānāhā', puyŭy Kunnix xa hāmmaxnā'. Pa 'āxop te hām'āpak max nŏy 'āpak nŏmhā'. Yā hām'āpak'ax puknŏg, 'ap Topa yŏg'ah.

7 'Ap xe'e'ah. Nõm xop te 'ãxop kummugãhã', tu' xak, nũy Kunnix yõg hãm'ãpak max'ax nõy yãnãn, pu tu' yãyhã hitop.

8 Pax 'ũgmũg xa hãm'ãpak max nõy 'ãktux, puxix Topa 'ũgkummugã', nũy pago. Pax pu pexkox yõg nũ'pok xop nũn pexkox tu', tu xa hãm'ãpak max nõy 'ãktux, puxix Topa 'ũkummugã', nũy pago. Hamũn. Hõmã 'ãte xa hãm'ãpak max'ax 'ãktux,

9 'ũgmũ'ãte hãm'ãktux tap, tu hõnhã nõm 'ãktux 'ũxeheh. Tik 'ũm te hãm'ãpak max'ax puknõg 'ãktux, pũyã Topa nõm kummugã', nũy tu pago. Yã nõm hãm'ãpak max puknõg.

10 Piyã 'ãte' xak nõmhã? 'Ok pe tikmũ'ũn te yõg hãpxopmã'ax putup? 'Ok pe Topa te yõg hãpxopmã'ax putup? Yã Topah, 'a tikmũ'ũn'ah. Pax 'ũg xak, puyĩy tikmũ'ũn yõg hãpxopmã'ax putup, kopxik mũn hãm hok Topa tu'. Yã tikmũ'ũn tuk hãm'ax. Pa Topa mũn puk hãm xe'ëgnãg.

Texĩy Topa te Paot mõ'kutnãhã'

11 'Ūxape xop, 'ãte 'ãp-tup, xayĩy hãmyũmmũg. 'ãte hãm'ãpak max'ax 'ãktux, 'a tikmũ'ũn tek xat'ah, 'ãte nõm hãm'ãpak max'ax 'ãktux.

12 'A tikmũ'ũn te 'ã hãmyũmmũgã'ah, tu 'ã' xuk-tux'ah, pa Yeyox Kunnix te'.

13 Ha ta 'ãxop te yũmũ yõg hãpxopmã'ax yũmmũg tap. Hõmã 'ãte Yoneo xop yõg hãpxopmã'ax tat, tu Kunnix kopa' kuxa mãm xop kute'ex kummuk pax, tu' xak, nũy nõm pu hãpkummugã', puyĩy nõm xop yãyxatat, tu yãy nõã'.

14 Hak xexka nõynãg mõg Yoneo xop kopah, yã Yoneo xop mõnãyxop yõg hãpxopmã'ax xohix tat

'âte'. Yã' xat'ax xohix 'âte' mÿ mãynãg, tu' xat'ax 'ũm xaxok 'ohnãg.

15 Hõmã 'ũktut tek put xet'ah, 'ĩhã Topa 'ã yãyikutnãhã', tuk xãnãhã', nÿy mõgkutnã'. Yã Topa te 'ã hãmmaxnãhã',

16 tu 'ã' mÿg yãy kutok pit, 'ũyÿy hãm'ãpak max'ax 'ãktux Yoneo xop hã' puknõg xop pu'. 'Ãte tikmũ'ũn 'ũm yĩkopit 'ohnãg. Nõm te tuk mÿn yũmmũgã 'ohnãg.

17 'Ak mõg' ah kõmẽn Yenoyanẽn tu', tu hãm'ãktux 'ohnãg Yeyox yõg mõ'pok xop mütik. Yã Yeyox te nõm mõ'pok hãmãxap, tuk-nãy tuk mÿn mõgkutnãhã. Ha tak mõg 'Anap tu', tu mõktuk xupep. Hãpxip 'ĩhãg nÿn putpu kõmẽn Namẽn tu', tu nũktuk xupep.

18 Hãmyãxatamuk tikoyuk nõg, ha tak mõg Yenoyanẽn tu', nÿy nox xip Pet pet tu', nÿy hãm'ãktux, tu noxk xip 'amnÿy te 15 hã.

19 Hamÿn, 'âte pẽnãhã Pet xix Tiak, yã yũmũg xuxyã yãy taknõy, pa mõ'pok xop nõy 'a' pẽnã'ah.

20 'Ãte kax'ãmi nũhũ tappet, tu hãpxe'e kax'ãmi', tu' koit 'ohnãg. Topa keppa 'âte' xuktux.

21 Hãpxip 'ĩhã tak mõg hãpxexka Xit tu', xix hãpxexka Xinix tu',

22 ha hãpxexka Yonex yõg kuxa mãm ka'ok xop tek yũmmũg 'ohnãg,

23 pãyã hãm'ãpak, hu: "Hõmã Paot tek mÿg kum-mugãhã', pa hõnhã Topa yõg hãm'ãpak max'ax 'ãktux. Hõmã tutep-tup, nÿy Topa yõg putat max koxyõy, pa hõnhã Topa yõg hãpxopmã'ax 'ãktux," kaxÿy.

24 Tu' kuxa hittup 'ũgmÿn hã, tu Topa 'ãktux max.

2

Paot xix Yeyox yōg mō'pok xop

¹ Hāmyāxatamuk te 14 nōg, ha ta xek mōg kōmēn Yenoyanēn tu', Maname mūtik mōg, tu Tit mōgāhā',

² Yā Topa te 'ā' pēhāhā', tu 'ā' xuktux, tuk xat, 'ūmōg Yenoyanān tu', hu tak mōg, tu mōktuk xupep, tu' pēnā max'ax xexka xop mūtik hām'āktux, 'ap nōy xop mūtik hām'āktux'ah. 'Āte nōm hāmyūmmūgāhā hām'āpak max'ax, 'āte nōm 'āktux hāmpuknōg xop pu', nōm xop te Yoneo xop hā' puknōg, puyī xexka xop 'ūghām'ax 'āktux max.

³ Ha Tit mūn xip 'ūgmūtik, tu hāpxexka Genex yōg tihik, yā Yoneo xop hā' puknōg, pa tik xop tek xat 'ohnāg, pu Tit yāy xax xax 'ūyīmap. 'Āmhok.

⁴ Pa' nūn mō'āmā'ax xop, 'ap Kunnix kopa' kuxa mām'ah, yā xetxox hex putuk, tu' nūn, tu nūktu yūmū yōg xop kopa' mōxahā', nūy yūmū yōg hāpxopmā'ax max pēnā'. Yā yūmū yōg hāpxop xak'ax 'ap-tux'ah, yā yūmūg kuxap-xet Yeyox Kunnix kuxa mūtik. Pa nōm mō'āmā'ax xop tek putup, nūy yūmūg mōgā putat kummuk hā, nūy yūmūg kuxa hīy, 'ūyīy hittup hok. Yā nōm te' xat pax nām. Yā 'ūyōg hāpxop xak'ax putux.

⁵ Ha tak mū'āte nōm komut xop 'āpak 'ohnāg. Hamūn, nōm 'āpak 'ohnāg hok'ah, xayīy 'āxop pip ka'ok Topa yōg hām'āpak max tu'.

⁶ Ha ta' xexka xop, yā tikmū'ūn te nōm pe'paxex xexka'. ('Ok xexka' pek-tōgnāg? Yā' nōy putuk. Topa te tikmū'ūn yōg hāpxopmā'ax xohix kopit, tu' xax max hā' kopit 'ohnāg, pāyā' kuxa kopa' pēnāhā'.) Nōm xexka xop tehomī 'ā hāmyūmmūgāhā hām 'ohnāg,

⁷ pa nôm xop tek yümmüg, Topa te mōgkutnāhā 'ügmün, 'üyīy Topa yōg hām'āpak max'ax 'āktux Yoneo xop hā' puknōg xop pu', pa Topa te mō Pet kutnāhā Yoneo xop hah. Ha nôm xexka xop te' yümmüg.

⁸ Topa tek ka'ogāhā', tu nūgkutnāhā', 'ümōg Yoneo hā' puknōg xop hah, ha ta Topa te Pet ka'ogāhā', tu mō'kutnāhā', pu Yoneo xop ha mōg.

⁹ Topa te 'ā hāmmāxnāhā', ha Tiak te' yümmüg, xix Pet te', xix Yoām te'. Yā' pēnā max'ax xexka xop tek yīm nuhuk, xix Maname yīm nuhuk, yāk mūg xohix xape xe'e'. 'Ügmü'āte yāy mütik hām'āktux, tu' xuktux, 'ūmax 'ügmüg hām Yoneo hā' puknōg xop kopah, ha ta' nôm hām Yoneo xop kopah.

¹⁰ Pa nôm tek mū'ā' xak, pu hāpxop popmā pax 'ūhok xop pu'. Hamün. 'ātep-tup xexka', nūy hāpxop popmā pax.

Pet xix Yoneo hā' puknōg xop

¹¹ Hōmā ha ta' nūn Pet, kōmēn 'Ātikit tu' nūn, ha 'āte tikmū'ūn keppa hām'āktux, hu: “Pet, xate hāpkummuk mīy.” Kaḫīy.

¹² Hamün. Pet xit hāmpuknōg xop mütik, yā' kuxa mām ka'ok xop, ha ta Tiak te nū'kutnāhā tihik, ha nôm nūn tu nūktu' mōxaha', ha Pet te' puknōg xop nīm mō'ka'ok. 'Ap putup'ah, puyīy nūmütik tu xit, Yoneo xop yīpkutuk tu'.

¹³ Ha ta' pip kama 'Ātikit yōg Yoneo xop, yā yümmüg xape xop, tu nôm te Pet yōg hāpxopmā'ax tat, tu' yīpkutuk kamah. Hamün, Maname kama te Pet pe' mōg, tu Pet yōg hāpxopmā'ax tat kamah.

¹⁴ 'Āte' pēnāhā', 'ap hāmyok mīy'ah, 'ap hām'āpak max'ax xe'e'ah. 'Āte Pet pu hām'āktux, 'ūxohix

keppa' xuktux, hu: “‘Ămũn yă Yoneo, pa 'a xate mōnăy xop yōg hăpxopmă'ax tat'ah. Texĩy xate' xat, pu Yoneo hă' puknōg xop nōm hăpxopmă'ax tat?” Kaxĩy.

'Ūxohix kuxa mām Yeyox kopah, yĩy Topa te' kuxa kummuk tupmăhă'

¹⁵ 'Ūgmũg mũn yă Yoneo xop kopak pip. 'Ūgmũg tak yă Yoneo, xik mũg tut, yă Yoneo xe'e', 'a' puknōg kummuk xop yōg'ah,

¹⁶ pak mũ'ăte hămyũmmũg: Tikmũ'ũn kuxa ka'ok Yeyox Kunnix kopah, yĩy Topa te' kuxa kummuk tupmăhă', puyĩy kuxa tu max. Pa tikmũ'ũn nōy te Topa yōg xat'ax 'ăpak, tu' mĩy. 'Ok hă kaxĩy yăy kuxa tupmă Topa keppa nō'om? 'Ămhok. 'Ap kaxĩy'ah. Yũmũg mũn kama kuxa mām ka'ok Yeyox Kunnix kopah, pu Topa yũmũg kuxa kummuk tupmă. Yă hă kaxĩy Kunnix kopa yũmũg kuxa mām ka'ok. Mōyyex xat'ax 'ũm te yũmũg kuxa tupmă hok. Tep te Topa yōg xat'ax mĩy, puyĩy Topa tikmũ'ũn kuxa kummuk tupmă', puyĩ' kuxa tu max? Yă tikmũ'ũn 'ohnăg.

¹⁷ Pa yũmũg kuxa mām ka'ok Kunnix kopah, nũy yũmũg kuxa tu max, pa hăpkummuk mĩy. 'Ok Kunnix te hăpkummuk mĩy'ax nōynă' mōgahă'? 'Ămhok.

¹⁸ Hōmă 'ăte hăpkummuk mĩy kux. Pax xe' mĩy, kopxix 'ũgkummuk, yă 'ăte Topa yōg xat'ax koxyōy.

¹⁹ 'Ūgkummuk, ha Topa yōg xat'ax te' xat, puk putex, pa Kunnix tek pupi' xok, yĩy Mōyyex yōg xat'ax tek xat hok. Hă kaxĩy 'ũgmōg Topa peheh, tu Topa yōkămũg mōg.

²⁰ Hõmã Kunnix tek pupi' xok mĩpkupnix tu', ha Topa te' putpu' hĩnnãhã'. Hõnhã 'ak puxet'ah, pa Kunnix xip 'ũgkopah. Hõnhã Kunnix mũtik 'ũgkuxa hi xe'ëgnãg. Yãg kuxa yũm ka'ok Topak-tok pit kopah. Tute mõg yãy xe'ëgnãg, tuk pupi' xok.

²¹ Topah, 'ãmax, tu 'ã' hok hã hãmaxnãhã', yĩg kuxa hi xe'ëgnãg. Paxpu Mõyyex yõg xat'ax tikmũ'ũn kuxa kummuk maxnã', puxix Kunnix tu' hok hã' xok. Pa Topa te' hok hã' hõm. Yã yũmũg pupi' xok Yeyox, tu yũmũg kuxa kummuk tupmãhã'.

3

Hã texĩy Topa te' kuxa kummuk tupmãhã'

¹ Hãpxexka Ganax yõg tikmũ'ũn, yã 'ãxop putox ka'ok, tu hãmyũmmũg 'ohnãg. Tikmũ'ũn te 'ãxop hitop mõgãhã hatohã, hãm'ãktux kummuk hã 'ãmõgãhã'. Hõmãg mũ'ãte 'ãxop xohix pu hãm'ãktux xe'e', Yeyox Kunnix xok mĩpkupnix tu', ha xate' yũmmũg, tu 'ãkuxa hã' pẽnãhã'. Pa tikmũ'ũn te 'ãxop mõgãhã hatohã.

² 'Äpu hãm'ãktux puxet. 'Ok 'ãxop te Mõyyex yõg xat'ax xohix mĩy, pu Topa yãy Koxuk nũ'kutnã 'ã hah? 'Ämhok. 'A kaxĩy'ah. 'Ok 'ãxop te Topa yõg hãm'ãpak max'ax 'ãpak, tu 'ãkuxa mãm ka'ok, puyĩy Topa Koxuk 'ãkopa' xihip? Yã hamũn.

³ 'Äxop texĩy 'ãhitop xexka'? 'Ämõg kõnãmãhã Topa Koxuk mũtik, puyĩy 'ãka'ogã', pa hõnhã xatep-tup, nũy 'ãp-xet hã mõg, nũy yãy ka'ogã', nũy 'ãp-xet hã hãpxopmã'. Teptu 'ãxop te' ka'ax hã yãp-xehnãg mõg Topa yõg putat hã?

⁴ 'Ok 'ãxop te hitop hã xũy hã tot? Pũyã hitop hok!

⁵ 'Ok 'āxop te Mōyyex yōg xat'ax mīy, yīy ta Topa te xa nū'kutnā yāy Koxuk, tu 'āxop kopa hāpxopmā ka'ok xe'ēgnāg? 'Āmhok. Pa 'āxop te Topa yōg hām'āpak max'ax 'āpak, tu 'ākuxa mām ka'ok, yīy ta Topa te xa mō'kutnāhā yāy Koxuk, ha 'āxop kopa hāpxopmā max xe'ēgnāg. Hamūn. Yā kaxīy!

⁶ 'Āpu 'Amanām pe'āpaxeh. Topa yōg tappet te: “Amanām kuxa yūm ka'ok Topa kopah, yīy Topa te' kuxa tupmāhā', pu kuxa tu max. Yā Topa te 'Amanām yōg hāpkummuk mīy'ax xaxogāhā', pu tu kux.” Kaxīy. Hā kaxīy yūmūg kuxa mām ka'ok, yīy Topa te yāy Koxuk yūmū'ā nū'kutnāhā'.

⁷ Yā 'āxop te hāmyūmmūg: Yā 'Amanām hā' mōkputox xe'e', yā 'ākuxa mām ka'ok kamah.

⁸ Hōmā Topa yōg tappet te yūmū'ā hāmyūmmūgāhā', hu: “Hāpxip 'ihā Yoneo hā' puknōg xop kuxa mām ka'ok putup Yeyox Kunnix kopah, yīy Topa te' kuxa kummuk tupmāp-tup, puyī' kuxa tu max.” Kaxīy. Tu xe 'Amanām pu hām'āpak max'ax 'āktux, hu: “Topa te 'āmūn hā hāmmaxnāp-tup, yā' hep xop xohix ha hāmmaxnāp-tup, xexka xohix tu' hāmmaxnāp-tup,” kaxīy.

⁹ Ha ta 'Amanām kuxa yūm ka'ok, yīy ta Topa te 'Amanām hā hāmmaxnāhā', tu' kuxa mām ka'ok xop xohix ha hāmmaxnāhā', yā 'Amanām putuk.

¹⁰ Tikmū'ūn 'um kuxa yūm ka'ok Mōyyex yōg xat'ax kopah, pu tu' kuxa maxnā Topa pu'. Pa Topa yōg xat'ax te hāpkummuk mīy'ax 'āktux kummuk. Hamūn, Topa yōg tappet te: “'Ūxohix 'ūm te Mōyyex yōg xat'ax xohix xexka mīy hok, puxix Topa' kum-mugāp-tup 'ūyānān tu', nūy nō kummuk mīy'ax hā pago.” Kaxīy.

11 Yã tikmũ'ũn 'ohnãg te Mõyyex yõg xat'ax xohix mĩy, puyĩy Topa' kuxa kummuk tupmã', puyĩ' kuxa tu max. Pa Topa yõg tappet te: “'Ũxohix' kuxa mãm ka'ok, puxix Topa' kuxa kummuk tupmã', puyĩ' kuxa tu max. Yã nõm xop kuxa hi xe'ëgnãg,” kaxĩy.

12 Pa nõm nõy xop te Mõyyex yõg xat'ax mĩy putup, nõy yãy kuxa kummuk tupmã Topa pu'. 'Ap putuk'ah nõm xop kuxa mãm ka'ok Topa kopah, puyĩy Topa' kuxa tupmã'. Yã yãy hãpxopmã'ax hã' kuxa maxnãp-tup. Yã Topa yõg tappet te Mõyyex yõg xat'ax mĩy xop 'ãktux, hu: “Nõm 'ũm te Topa yõg xat'ax xohix xexka mĩy xe'ëgnãg, puxi' kuxa hi.” Kaxĩy.

13 Topa te: “Yã' kummuk nõm te Mõyyex yõg xat'ax xohix xexka mĩy hok. Yã 'ãte nõm ha hãpkummu nõ gãp-tup, nõyhãpkummuk mĩy'ax hã pago.” Kaxĩy. Pa Kunnix te hãpkummugã'ax hã' tot yũmũg pupi', tu yũmũg pupi' xok, yã tute yũmũg mõy, 'üyĩy yũmũg hi xe'ëgnãg. Yã Topa yõg tappet te: “Yã' kummuk nõm te mĩpkupnix tu' xup.” Kaxĩy.

14 Ha mõktu Kunnix te yũmũg pupi' xok, 'üyĩy yũmũg hi xe'ëgnãg. Topa te' hok hã hãmmaxnãhã', puyĩy Yoneo hã' puknõg xop ha hãmmaxnã'. Yã hõmã Topa te 'Amanãm pu hãm'ãktux xex, tu hãmmaxnã'ax hep xop xohix ha 'ãktux, tu hõnhã Yëyox Kunnix hã hãmmaxnãhã', puyĩ' puknõg xop kuxa mãm ka'ok Yeyox Kunnix kopah. Hõmã Topa te hãm'ãktux xex, tu' xuktux, yã yũmũ'ã ha yãy Koxuk nõ'kutnãhã'. Ha yũmũg kuxa mãm ka'ok, yĩy ta Topa Koxuk te yũmũg kopa' xip.

'Ũxat'ax xix hãm'ãktux xex'ax

15 'Ūkxape xop, 'āte xa hāmyūmmūgāp-tup tu tikmū'un mīy'ax hā 'āyūmmūgāp-tup. Tik te' nōy pu hām'āktux xex, tu nō kax'āmi tappet tu'. 'Ok tikmū'un te nō hām'āktux xex koxyōy? 'Āmhok. 'Ok tikmū'ūn te hām'āktux nōy kax'āmi xehomi?' 'Āmhok.

16 Hōmā Topa te 'Amanām pu hām'āktux xex, xix 'Amanām yāy mōkputox pu hām'āktux xex. Yā mōkputox puxehnāg 'āktux, 'ap xohix'ah. Yā Kun-nix te 'Amanām hā' mōkputox xe'e'. Yā Topa te yāy nōm kutnāhā'.

17 'Ūyūmmūg. Hōmā Topa te nōm pu hām'āktux xex, yā Topa te' pa'ax hittap mīy tikmū'ūn mūtik, ha ta' nōg hāmyāxatamuk xohix te' 430, 'īhā Topa te tikmū'ūn pu popmāhā Mōyyex yōg xat'ax. 'Ok Mōyyex yōg xat'ax te nō hām'āktux xex koxyōy? 'Ok pa'ax koxyōy? 'Āmhok.

18 'Ok Topa te hāmmaxnāhā Mōyyex yōg xat'ax mīy xop hah? 'Ok pe hām'āktux xex 'ūkopa' kuxa mām xop pu hāmmaxnāhā'? Yā hāmmaxnāhā'! Pax pu Topa hāmmaxnā Mōyyex yōg xat'ax mīy xop hah, puxix hām'āktux xex xop kuxa mām ka'ok xop ha hāmmaxnā hok. Pa Topa te 'Amanām pu hām'āktux xex, tu nōm ha hāmmaxnāhā'.

19 Teptu Topa te' xat'ax xohix xat? 'Ūxat, pu tikmū'ūn hāmyūmmūg, nūy yāy yōg hāpkummuk mīy'ax yūmmūg. Mōyyex yōg xat'ax pip ka'ok, tu mōktu' xupep 'Amanām mōkputox, ha Topa te nōm pu hām'āktux xex, ha pexkox yōg nū'pok xop te tik pu Mōyyex yōg xat'ax xohix popmāhā', ha tik te tikmū'ūn pu nōm popmāhā'. Nōm tik te yāy kote' xip.

20 Pa tik te yāy kote' xip, puxix tu punethok. Pa Topa yāp-xet, 'ap punethok'ah. Topap-xet te hām'āktux xex.

Texīy 'ūxat'ax popmāhā'

21 'Ok Mōyyex yōg xat'ax te Topa yōg hām'āktux xex'ax nōā'? 'Āmhok! Pax pu Mōyyex yōg xat'ax tikmū'ūn hīnnā', puxix tikmū'ūn nōm xat'ax mīy, nūy yāy kuxa kummuk tupmā'. Pa 'āmhok, 'ūxat'ax te' kuxa tupmā hok.

22 Pa Topa yōg tappet te' kummuk 'āktux, tu tikmū'ūn xohix xexka kummuk 'āktux, xi' puknōg xop xohix xexka kummuk 'āktux, hāpkummuk mīy hah. Topa yōg tappet te nōm 'āktux, pu tu kuxa mām ka'ok, puyīy Topa hāmmaxnā'. Topa te nōm pu hām'āktux xex, tu' kuxa mām ka'ok xop pu hām'āktux xex, nōm xop kuxa mām ka'ok Yeyox Kunnix kopah.

23 Hamūn, yūmūg kuxa mām ka'ok nōmhā, pa hōmā Mōyyex yōg xat'ax te yūmūg kuxa hīy, kanet ka'ok kopa' hīy putuk, ha mōktu yūmūg kuxa mām ka'ok nōmhā.

24 Hamūn, Mōyyex yōg xat'ax te yūmūg hāmyūmmūgāhā', nūy yūmūg mōgā', ha mōktu' xupep Yeyox Kunnix, pu tu yūmūg kuxa mām ka'ok Yeyox Kunnix kopah, puxix Topa yūmūg kuxa kummuk tupmā', 'ūyīy kuxa tu max.

25 Hu nōmhā yūmūg kuxa mām ka'ok, ha Topa yōg xat'ax te yūmū'ā hāmyūmmūgāhā', ha' kux.

26 'Āxop xohix kuxa mām ka'ok Yeyox Kunnix kopah, hu ta 'āxop yā Topak-tok xop, yā 'ākuxap-xet Yeyox Kunnix kuxa mūtik.

27 Yā 'āxohix mōxaha Kunnix yōg xop kopah, ha 'āp-tox pix, yā 'ākuxa mām Kunnix kopah, tu nōmhā Kunnix putuk, yā Kunnix xip 'āxohix kopah.

28 Yā Topa te yūmūg xohix hā tehe', ha' yāy putuk 'ūkuxa mām ka'ok xop, yā Yoneo xop xi' puknōg xop te yāy putuk. Yā nōm te' hok hā' hām, xix nōm te tayūmak hā' hām, tu yāy putuk. Yā tik xix 'ūn te yāy putuk. Yā xohix te' nōy putuk, yā' xohix kuxa mām ka'ok Yeyox Kunnix kopah. 'Ap pip'ah 'ūxexka xop xik-tōgnāg xop. Yā yāp-xet, 'ūkuxap-xet, tu yāy putuk.

29 Yā 'āxop mōxakux Kunnix yōg xop kopah, hu ta kama 'Amanām hā 'āmōkputox, ha Topa te xa hāmmaxnāp-tup kamah, yā tute hām'āktux xex 'Amanām mōkputox pu'.

4

1 'Ūyūmmūg. 'Ūtak 'ūm yōg hāpxop xohix, tu' xok putup, hak-hāy tuk-tok te' pop putup, 'ūyōg 'ātak yōg hāpxop pop putup. Pa' xip 'ātak, hak-tok 'ūhok, yā' hok hā' hām yāy tak pu'. 'Ūyōg 'ātak te' popmā'ax hāpxop, yāk-tok yōg hāpxop, tu' pop putup, pa hōnhā' pop'ah. Yā hōnhā hāmhōgnāg 'ūk-tok.

2 Ha ta' xuxyā te nōm kutok xat, nūy tu pēnā max, ha ta' xuxyā nōy te hāpxop pēnānā' xip, nōm hāpxop 'ātak tek-tok pu' popmā'ax, yā nōm tek-tok pēnāhā', tu hāpxop pēnāhā', tu mōktu nōm 'āmnīy 'ūm mō'nāhā', yā tik yōg 'ātak te nōm 'āmnīy 'āktux tap.

3 Hā kaxīy yūmūg mūn hōmā kamah. Yā yūmū'āte nōm kutok putuk, ha yāmīy kummuk xop te yūmūg xat kummuk, ha nōm xop pu yūmū'āte'

hok hã' hãpxopmãhã' yãmĩy xop pu', xix Topa hã' puknõg xop pu yũmũ'ãte hãpxopmãhã'.

⁴ Pa hãpxip 'ĩhã nõm hãptup mõ'nãhã', 'ĩhã Topa te yãy kutok pit nũ'kutnãhã', ha' tut te' put, yã Yoneo xop kopa' xip Topak-tok, ha ta Mõyyex yõg xat'ax xohix xexka pu' yĩpkox xip Topak-tok, nũnte hãm xexka tu' xip 'ĩhã'.

⁵ Topak-tok nũn, nũy nõkõpanat yũmũg xohix, puyĩy Mõyyex yõg xat'ax yũmũg xat hok, tu' nũn, nũy yũmũg kuxa hĩnnã xe'ẽgnãg, 'ũyĩy yũmũg xohix yãyhã Topak-tok xop.

⁶ Yã 'ãxop yã Topak-tok xop, yĩy ta Topa te nũ'kutnãhã yãy Koxuk 'ãkuxa hah, ha Topa Koxuk te Topa pu: “'Ãtak, yõgnũ 'ãtak!” Kaxĩy.

⁷ Hamũn, yã hõnhã' kux, 'ãxop te 'a hok hã 'ãhãm'ah, pa nõmhã 'ãxop yã Topak-tok, ha Topa te xa' popmãp-tup yãy yõg hãpxop, yã yãy kutok pu nõm popmãp-tup.

Paot kuxãnõg. 'Ok Ganax yõg xop kuxa mãm kux?

⁸ Pãyã hõmã 'ãxop te Topa hã 'ãpuknõg, ha ta topa komut xop te 'ãxop xat pax, tu yã mõ'ãmã'.

⁹ Pa nõmhã 'ãxop te Topa yũmmũg, yã Topa te 'ãxop yũmmũg hãmãxap, hak-nãy tu 'ãxop te Topa yũmmũg. Texĩy tu putpu 'ãxop mõg, nũy Topa hã' puknõg xop yõg hãpxopmã'ax tat 'ũxeheh? Nõm hãpxopmã'ax te 'ãxop hã te 'ohnãg. Yã 'ãkummugã'ax 'ũxeheh.

¹⁰ Yã 'ãxat, xa nit xãn 'ĩhã 'ãhãm hok, tu 'ãmuk xexka mĩy'ax xat, xix mãyõnhex tup'ax yõg 'ãmuk xat, xix mõ'ãgmũ'ax yõg, xix hãmãyãxatamuk yõg.

11 'Ūgkuxānōg. 'Ok hitop hāg hām 'ūgmūn 'āxop kopah? 'Ok 'ākuxa mām kux, nūy nō xat'ax hittap mīy?

12 'Ūkxape xop, 'āpu yōg hāpxopmā'ax tat. Yā 'āxop hāgxape, yāg kummugā 'ohnāg.

13 Xatek yūmmūg, hōmā 'ūkpakut, 'ihā noxk xip 'āxop mūtik, hu 'āte Topa yōg hām'āpak max'ax 'āktux hāmāxap 'āxop pu'.

14 'Ūkpakut xexka', pa 'āxop tek putup pax, tuk mūn tu yāyhāhup 'ohnāg, tuk kuxa ka', tu 'āhāk tehe', tuk hā' tot, yā pexkox nū'pok xop putuk, yā Yeyox Kunnix putuk,

15 ha 'āxop tek mūn hā 'āhittup xexka!' Hamūn, hōmā 'āxop tek mūn hā 'āhittup xexka', pa hōmhā 'āmhōk. Texīy?

16 'Ok 'āte xa hāpxe'e 'āktux, hu yāyhā 'āxop hāk puknōg? Pa tīy! 'Ok 'āhāg puknōg nōmhā?

17 Yā nōm xop te 'āp-tup pax 'āktux, nūy 'āxop mōgā, pāyā yōg putat ka'ax kummuk, tu yūmūg yāy xatat putup, 'āxop xik mūn, xayīy nōm pe 'āmōg.

18 Ta' max, pu nōm xop 'āp-tup pax. Tikmū'ūn te' nōy putup pax, tu hāpxopmā max, 'ihā 'āxop mūtik xip, 'āxop mūtik xip hok kamah. 'Āte xa hāpxe'e 'āktux.

19 'Ūgkutok xop, 'ūgkuxa xūy, yā' tut tek-tok put xūy putuk. Hā kaxīy 'āte 'āxop hāg kuxa xūy, ha mōktu 'āxop yāyhā Kunnix putuk.

20 'Ātep-tup, nūy noxk xip 'āxop mūtik nōmhā, nūy 'ōg hāmpe tu panōm hā' nōy yānān. 'Ūgkuxānōg. 'A 'āxop yōg hāpxopmā'ax max'ah.

Tu 'Agah xix Xat 'āktux

21 Āpu, 'ā hām'āktux! 'Āxop tep-tup, nūy Moyyex yōg xat'ax mīy, nūy yāy kuxa tupmā Topa pu'. Mōyyex yōg xat'ax tep-tep 'āktux?

22 'Ūxuktux kaxīy: Yā mōnāyxop 'Amanām kutok 2. 'Ūk-tok puxet mūg tut yā' hok hā' hām, yā' nōy te' xat, ha' hok hā' hām, yā' puknōg. Pak-tok nōy mūg tut yā 'ūn xe'ēgnāg, 'ap hok hā' hām'ah, pāyā kāmānat xat.

23 Ha 'Ūn yā' hok hā' hām, tuk-tok pit put, yā kaxīy 'ūn xohix tek-tok put. Pa 'ūn nōy yā' nōy xat, tuk-tok pit put, ha hāmhūmnāg 'ūnā'ax, ha Topa te hām'āktux xex, tu kaxxop putnāhā'.

24 Hamūn te yūmū'ā hāmyūmmūgāhā' hāpxopmā'ax nōy. 'Ūn 2 te hāpxopmā'ax yūmmūgāhā', Topa te' pa'ax mīy tikmū'ūn mūtik. 'Ūn puxet yā' hok hām. Yā' xuxet'ax 'Agah, ha 'ūn nōy te 'Agah xat. Hā kaxīy Topa te tikmū'ūn xat, tu' xat'ax xohix popmāhā yīktix Xīnāy tu', hā kaxīy 'Āgah hā' mōkputox, yā' hok hā' hām, tu' yāy xat 'ohnāg.

25 Yīktix Xīnāy xip 'Anap tu', tu' yōg tikmū'ūn yā' hok hā' hām, xix kōmēn Yenoyanēn yōg tikmū'ūn yā' hok hā' hām. Nōm xop te 'Agah mōkputox putuk.

26 Ha ta' xip kōmēn Yenoyanān nōy, tu pepi' xup pexkox tu'. Nōm yōg tikmū'un te yāy xat, 'ap hok hā' hām'ah, nōm kōmēn yūmū'ā hā' tut xe'e'.

27 Yīy Topa yōg tappet te:

“Āhittup, xate 'āk-tok put xet'ah,

'Āhittup 'āk-tok put tu 'āxūy 'ohnāg.

Yā tik te' xetut nīm, hak-tok xohix punethok.

Ha tik te' xetut mūtik nōm, hak-tok kutōgnāg.”

Kaxīy.

²⁸ Hõmã Topa te hãm'ãktux xex 'Amanãm pu', yĩ xetut Xat tek-tok 'Iyak put. 'Ûkxape xop, hã kaxiý yũmũg yãyhã Topak-tok xop, Topa te hãm'ãktux xex hah.

²⁹ Yã hõmã 'Amanãm kutok puxet, pa Topa te nõm hãmãxap hã hãm'ãktux xex 'ohnãg. Ha tak-nãý tu' nõy put, ha Topa Koxuk te nõm hã hãm'ãktux xex, hak-tok te mãxap te' taknõy tek-te'ex kummuk. Yã hã kaxiý hõnhã kamah.

³⁰ Putep xuktux Topa yõg tappet? Yã hãm'ãktux, hu: "Ãpu' xat pu mõg, 'ün te' hok hã' hãm, xik-tok. Hãmün, yã 'ãtak te yãý yõg hãpxop popmãp-tup'ah nõm 'ün kutok pu', pãýãk-tok nõy pu' popmãp-tup, tu yãý xetut xe'ek-tok pu' popmãp-tup." Kaxiy.

³¹ Yĩy ta 'ũkxape xop, yũmũg mün yã' xetut xe'e hãk kutok xop, nõm te' nõy xat. 'Ap 'ün nõy hã yũmũg kutok 'ohnãg, nõm te' hok hã' hãm. 'Ãmhok.

5

Tute' xat'ax 'ãktux, xi' hi xe'ëgnãg 'ãktux

¹ Yã Kunnix te yũmũg kuxa hĩnnã tap, 'üyĩy hi xe'ëgnãg. Hõmã Yoneo xop yõg xat'ax te yũmũg xat, ha yũmũg kuxa hĩy, pa Kunnix te yũmũg mõy, ha yũmũg mõg. 'Ãpu nox pi', puyĩy' xat'ax 'ãkuxa hĩy hok 'ũxeheh, ka' hok hã 'ãhãm 'ũxeheh.

² 'Ãpu 'ũg-ãpax, 'ũgmün Paot, tu 'ãxop pu hãm'ãktux: 'Ãxop te hitop yãý xax mep 'üyĩmap, nõy yãý kuxa kummuk tupmã Topa pu'. 'Ok Kunnix te hitop tu' xok 'ãxop pupi'?

³ 'Ãte xe hãm'ãktux, tik 'üm te yãý xax mep 'üyĩmap, puxi' max, pu tu mĩy Mõyyex yõg xat'ax xohix xexka', 'ap xahix'ah. Topa te' xuktux.

4 Nõm 'üm tep-tup, nõy Mõyyex yõg xat'ax mÿy, puyÿy Topa tikmũ'ün kuxa kummuk tupmã', puyÿ' kuxa tu max, puxix Topa nõm 'üm hã hãmmaxnã 'ohnãg, ha' kuxa tupmã 'ohnãg. 'A Kunnix yõg'ah.

5 Pa yũmũg kuxa mãm ka'ok, hu yũmũ'äte hãmmax hip, pu Topa yũmũg kuxa kummuk tupmã' yã Topa te yũmũ yõg hãpkummuk mÿy'ax xaxogãhã', ha' kux. Yã yũmũ'äte hãmmax hip, 'ihã yũmũg kuxa mãm ka'ok, yÿy Topa Koxuk te yũmũg ka'ogãhã'.

6 Yũmũ'äte yãy xax mep 'üyÿmap, pe' yãy xax mep 'üyÿmap hok, yã' yãy putuk Topa pu', pa Topa tep-tup, yũmũg kuxa mãm ka'ok, hu yũmũ'ãtek nõy putup pax nõmhã'.

7 Hõmã 'ãxop mõg putat max hã, tu 'ãyÿpkox pip, hu hãm'ãpak max'ax xe'e 'ãpak. Pa nõmhã 'ãmhok. Putep te 'ãxop mõgãhã', pu nõm putat xak?

8 'A Topa'ah yã Topa te yãy ha 'ãxop xãnãhã'.

9 'Apu hãmyũmmũg. Tikmũ'ün te: "Üxip hãmãxap pãm tokatogã'ax kutõgnãg, pa hãpxip 'ihã nõm pãm xexka'," kaxÿy. Hã kaxÿy hãpkummuk te' xexka nõy nã' mõg.

10 'Ügkuxa yũm ka'ok Topa kopah, tu hãmyũmmũg, 'a 'ãxop te hãmpe'ãpaxex nõy putup'ah, pak mün putuk hãmpe'ãpaxex. 'Ügkuxa yũm ka'ok Topa kopah, tu hãmyũmmũg, Topa te nõm tik kummuk xũygãp-tup, nõm te 'ãxop mõgãhã hato'a'.

11 'Ükxape xop, putep hãmpe'ãpaxex? 'Ok 'äte hãm'ãktux, pu tikmũ'ün Topa yõg xat'ax mÿy, nõy yãy kuxa kummuk tupmã'? 'ãmhok. 'A 'äte' xuk-tux'ah. 'Ok tikmũ'ün tek kummugãhã'? Hamün.

'Ok tikmũ'ũn te Yeyox yōg xok'ax 'ãpak, tu' xok mĩpkupnix tu xupak, tu' gāy hok? 'Ãmhok. Yã' gāy tikmũ'ũn!

¹² Nõm te 'ãxop kummugāhã', yã 'ãtep-tup, pu nõm yāy mep xexka'!

¹³ Hamũn. 'Ūkxape xop, Topa te yāy ha 'ãxop xānāhã'. Tutep-tup'ah pu' xat'ax 'ãxop xat pax nām. Pa Topa te 'ãxop mōy, xa mōg. Pa nõmhã yāy putup'ax mĩy hok, 'ākuxa te nõm kummuk tep-tup, pa 'ãpu 'ãnōy putup pax, nũy ta 'ãnōy ha hāmmxnã'.

¹⁴ Yã mōyyex yōg xat'ax xohix te hāpxopmã'ax puxet 'ãktux, hu: “'Āpu 'ãnōy putup pax, yã yāy putup pax putuk,” kaxĩy.

¹⁵ Pa 'ãxop yāy mǎnōg, xix yāy kix, puxix xokxop putuk, yã yāy mǎhã'.

Topa Koxuk xix tikmũ'ũn yōg putup'ax

¹⁶ Pa 'ãte xa hām'ãktux, 'ãpu Topa Koxuk pu 'ãyĩpkox pip, nũy yāy yōg putup'ax mĩy hok.

¹⁷ Yã tikmũ'un te yāy yōg putup'ax mĩy, puxix Topa Koxuk pu' yĩpkox hok, ha Topa Koxuk pu' yĩpkox pip, puxix yāy yōg putup'ax mĩy hok. Yã Topa Koxuk te yũmũg yāy yōg putup'ax hã' puknōg, ha yũmũg yāy putup'ax te Topa Koxuk hã' puknōg. 'Ap yāy putuk 'ohnãg, yĩy Topa Koxuk puxet pu 'ãyĩpkox pip.

¹⁸ Ha Topa Koxuk te 'ãmōgã', puxix Mōyyex yōg xat'ax 'ãxat pax hok.

¹⁹ Yũmũ'ãte yāy putup'ax mĩy. puxix tikmũ'ũn yũmũ yōg hāpxopmã'ax pēnã'. Yã yũmũ'ãtek nõy hãk xupxet pax, tu 'ũn xop pēnã kummuk, tu tik

xop pēnā kummuk, tu kokex putuk, tu yūmū'āte hā
kaxīy putup pax hāpxopmā'ax xut putux,

²⁰ tu topa komut xop pu nūktettex, tu mīm mīy,
tu yūmūg yāy putup nōg, tu yāy kute'ex kum-
muk, tu yāy tup-tup hāpxop xohix, tu yūmūg gāy,
tu yūmūg xupkūmīy, tu yūmūg yāy tuk-mīy, tu
yūmū'āte tikmū'ūn xohix nīm, nūy yāgnāg mōgā',

²¹ tu yūmū'āte yīpkūmīy, tu yūmūg paptux, tu
yūmūg yāy hi pax, nūy hāpkute'ex pax. Nōm te
yāy putup'ax mīy xop texīy mīy. Hōmā 'āte xa
hām'āktux, tu hōnhā xe' xuktux. Tikmū'ūn te' mīy
nō'ōm, 'a' mō'nāp-tup'ah Topa yōg xop kopah, yā
Topa te nōm xat xop kopa' xip, pāyā hāpkummuk
mīy xop xat 'ohnāg.

²² Pa Topa Koxuk xip yūmūg kuxa kopah, puxi'
pip hāpxopmā max xohix yūmūg kopah. Yā mīnta
ta putuk yūmūg kopah. Yūmū'ātek nōy putup pax,
tu yūmūg kuxa hittup pax, tu yūmūg kuxa mām,
tu yūmū'āte hāmmax hip, tu yūmūg gāy 'ohnāg, tuk
nōy ha hāmmaxnāhā', tu' nōy tu yūmūg pip ka'ok,

²³ tu hāpkummuk yānān 'ohnāg, tu yāy putup'ax
mīy 'ohnāg. 'Ūmīy nōm hāpxopmā max, puxix
Mōyyex yōg xat'ax hitop tu yūmūg xat.

²⁴ Ha Yeyox Kunnix yōg xop xohix te yāy
putup'ax mīy kux. Yeyox Kunnix xok mīpkupnix
tu', puyīy yūmū yōg putup'ax kummuk kux.

²⁵ Topa Koxuk te yūmūg kuxa hīnnāhā', nūy
yūmūg mōgā', 'ūyīy hāpxopmā max xohix. 'Āpu nōm
pu 'āyīpkox pi'.

²⁶ 'Āpu yūmūg yāy xexka pek paxex hok, tuk nōy
kute'ex kummuk hok, tuknōy tu yīpkumīy hok.

6

Āpu 'ānōy pupi hāpxop putux tat

¹ Ūkxape xop: 'ūxip tikmū'ūn 'ūm, tu hāpkummuk mīy. Ha ta nōy 'ūm xip 'āxop kopah, nōm te Topa Koxuk pu' yīpkox xip pax. Yā' max, nōm te Topa Koxuk 'āpak pax te' nōy putpu' nūnnā putat max tu', tu' nōy te hāpkummuk mīy nūnnā putpu'. Pūyā' gāy hok, Topa Koxuk te nōm xat hah. Pūyā tu yāy kutōgnāg pe'paxeh. Yā paxip, nūy hāpkummuk mīy hok kamah

² Āpu 'ānōy yōg hāpxop putux tat, yā 'ānōy yōg hāpkummuk hā' tat. Hā kaxīy xate Kunnix yōg xat'ax mīy.

³ Tik 'ūm te yāy xexka pe'paxex, pāyāk-tōgnāg. Tute' yāy pu' koit.

⁴ Āpu yāy yōg hāpxopmā'ax kopit, 'ānōy yōg hāpxopmā'ax kopit hok pa 'ōgnū 'ūp-xet. 'Ānōy yōg hāpxopmā'ax 'āktux kummuk hok, pāyā' yōg max. Hā kaxīy tu xate yāy yōg kopit, tu yāy pēnāp-tup max, 'ihā 'ānōy yōg hāpxopmā'ax kopit 'onhāg.

⁵ Hamūn, 'ūxohix te yāy yōg hāpxop putux tat putup, yā yāy yōg hāpkummuk hā' tot putup.

⁶ Tik 'ūm te 'āyūmmūgāhā Topa yōg tappet. 'Āpu nū mūtik yāy pu' pot 'ōg hāpxop max xohix.

⁷ Āpu hāmpē'āpaxeh hitop hok, yā Topa kuxa yūm 'ohnāg koit'ax kopah. Tik te hāpxopxap xok tu nōm hā' ta mōy putup, 'ap ta nōy'ah.

⁸ Tikmū'ūn te pēyōg xap xok hām tu', puxix pēyōg ta nūnnāp-tup yāy pet hah. Hā kaxīy tikmū'ūn te yāy putup'ax mīy, puxix hāpkummuk hā' yānān, ha tikmū'ūn te Topa Koxuk pu' yīpkox xip, tu

hãpxopmã max, puxix tu' hi xe'ëgnãg mō'kuma'
mōg, ha' kux 'ohnãg.

⁹ Āpu yūmūg hãpxopmã max, yã tuknōg hok.
Yūmūg hup hok, kopxix hãpxip 'Īhã hãmmaxnãp-
tup, yãy ha hãmmaxnãp-tup.

¹⁰ Hu 'ãpu yūmūg hãpxopmã max mō'kumak mōg
tikmũ'ūn xohix pu', tu' xape xop pu hãpxopmã max
xe'ëgnãg, yã' kuxa mãm xop xape xop pu'.

'Ūkux'ax

¹¹ Ta hēnã', 'ãte xa kax'ãmi xexka', yã 'ūgyĩm hã
kax'ãmi xexka'.

¹² Nōm tik tep-tup, pu tikmũ'ūn nōm 'ãktux max.
Nōm tik tep-tup nūy 'ãxop mōgã', nūy 'ãxop xat,
xayĩy 'ãxax mep 'ūyĩmap. Texĩy? 'Ap nōm xop te
Kunnix xok'ax 'ãktux putup'ah. Yã mĩpkupnix tu'
xok, pãyã nōm xop te' xaxok, puyĩy tikmũ'ūn nōm
kute'ex kummuk hok.

¹³ Hamũn, nōm te yãy xax mep 'ūyĩmap, pa nōm
te Mōyyex yōg xat'ax xohix mĩy 'ohnãg, pa nōm te
'ãp-tup, nūy 'ãxat, xayĩy 'ãxop yãy xax mep 'ūyĩmap.
Texĩy? Nōm tik tep-tup, nūy yãy 'ãktux xexka',
'ūxohix te yãy xax mep 'ūyĩmap hah.

¹⁴ Pak mũn 'a yãy xexka 'ãktux putup'ah, pa
'ãte yūmūg Yeyox Kunnix 'ãktux putup ha' xok
mĩpkupnix tu', yūmūg pupi' xok. Yã Kunnix tek
pupi' xok, 'ūyĩy hãm xexka yōg hãpxop xohix xak
hok, puyĩy Kunnix puxet tuk kuxa hi nōmhã, 'ãte
nōm pu hãpxopmã'.

¹⁵ Pe yãy xax mep 'ūyĩmap, pe yãy xax mep
'ūyĩmap hok, yã hãpxopmã'ax kutōgnãg. Pa Topa te
yūmūg kuxa tupmãhã', yūmūg kuxa tu max, 'ūyĩy
hãpxopmã max xexka'.

¹⁶ Āpu 'āyīpkox pi', xayīy Topa yōg putup'ax mīy. Pūyā Topa 'ākuxa māmā', xix 'ākuxa ka', xayīy Topa hā yāy yōg tikmū'ūn xe'e'.

¹⁷ Nōmhā puxi'. Āpu tikmū'ūn 'ūxek kummugā hok. Yā hamūn. hōmā tikmū'ūn tek kummugāhā', yīy kayax pip yōgnū', yā Yeyos puk hok hāk hām.

¹⁸ Ūxape xop, pūyā yūmūg xuxyā Yeyox Kunnix xa hāmmaxnā mō'kuma' mōg. Hamūn.

Tu ta kux.

Topa Yōg Tappet
New Testament in Maxakalí (BR:mbl:Maxakalí)

copyright © 2011 Wycliffe Bible Translators, Inc.

Language: Maxakalí

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maxakalí

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
a212b59e-62d7-5a38-9773-b0ce1d5b248b